

Signle: SG

Aufbewahrungsort: Stiftsbibliothek St. Gallen

Signatur: Cod. 1006

[406,01] Von Sant anhelms frag ain nu(=
tzi gûti betrachtung vnfers her=
ren liden vnd die grofzen beku<m>(=
mernüfz vnfer lieben frowen alls
ir lieber fun gemarteret ward.
Sant anhelm batt vnfer lieben
frowen lang zit mi faften mit
wachen vnd mitt andächtigem
gebett dz fy im kundthât ires
lieben angebornen kinds tod vnd
bitteren marter vnd wie er von
anfang bis an dz end ergieng vnd
do er dz lang zit het begert do
erfchain im vnfer liebi frow
vnd fprach zû im Anhelm

[407,01] du folt wiffen das min liebes k(=
ind fo grofze bittere marter hat
erlitten das es nieman vîzgefpre=
chen mag vn hertzlich fuftzen vnd
wifz das mich min liebs kind er=
hôhet hat vber alles himelfch
her vnd darûm fo fol vnd mag
ich nitt me wainen. Nun alls
du mich frageft fo fag ich dir
wie es ergieng / do min liebs
kind fin bittere marter laid vnd
ich maria fin mütter och grofz
betrübnüfz vnd hertzmüterlich
mitliden mitt im hette / do fp=
rach fant Anhelm fag min
liebi mütter maria wie wz der
[408,01] anfang des lidens dines lieben

kindes. D<o> sprach die mütter got(=)

tes du folt wissen do *min* lieber

fün *Jesus* dz nachtmal mitt *finen*

iungeren am hailgen grünen

donstag geffen hett vnd fy von

dem tifch vff warend gestanden

do gieng iudas vnd kam zû den

furfen der iuden vnd kamm mit

in vberan dz er *min* kind ver(=)

koft vnd wolt verraten vnd in

wolt in den tod geben difer

dingen warend die iuden gar

fro vnd verhieffend im zû ge=

ben xxx *denarii* vmm *min* liebes

kind. Sant Anfhelm sprach

[409,01]fag mir liebi maria welcherlay

warent die pfenig do sprach die

mütter gotz fy warent gemampt

Ifmah<e>liten vnd wil dir fage

wovon die pfenig den nammen

hettend. do Ioseph von *finen* brü=

deren verkoft ward do koftend

in ainerlay lut die warend ge(=)

nampt Ifmaheliten vnd wil

dir fagen wovon die pfenig

den nammen hatend / do Ioseph

von *finen* brüder verkoft ward.

vnd da dien iuden die pfenig zû(=)

tail würdent die behieltent fy

fur ain erbfschaft vnd lies fy

ain yetlich gefchlächt dem an=

deren werden wol viertüfig

[410,01]iar wann fy warend zû Iherufalem

die dz güt hettind die warend mi(=)

nem kind fo vigend vnd wie lieb

in dz güt oder die pfenig warent

doch gabent fy es Iudaffen vmb
min liebs kind vnd i<u>das was
fo gitig do er die pfenig fach da ge(=
vielent fy im fo wol dz er min
liebes kind darüm gab· Sant Anf=
helm sprach sag min liebe maria
werdt och darby / do sprach die
mütter gottes nain / aber du folt
wiffen do min liebs kind dz nacht(=
mal mitt finen iüngerⁿ geffen
het vnd inen och ir fünf gewä=
fchen het vnd in och finen haili=
[411,01]gen fronlichnam gegeben vnd in
och gebenediget het da wz iüdas
von in gangen zü den furften der
iuden vnd do gieng min kind ab
dem berg fyon von der ftatt züo
dem thor vfz dz ift genampt dz gul=
di thor zü ainem brunnen genam=
pt filoe by dem da wz ain gart da
was er vor dick ingangen mitt
finen iügeren vnder dem berg oli=
üeti vnd da liefz er fin iunger fitzen
vnd namm mitt im petrüz Iohan=
nem vnd Iacobüm vnd gieng
vor in wol alls verr alls ainer
mitt ainem ftain gewerfen mag
vnd viel da nider vff fin knü
[412,01]vnd batt finen hymelfchen vat=
ter vnd sprach vatter erhör mich
wann din erbermde ift gnaden=
rich / fich an mich verker och din
angeficht nitt von mir wann ich
bin in groffen angften vnd forgen
dauon hilff mir bald· Do sprach
fant Anshelm· Sag mir maria

warum bettet er do sprach vnfer lie=
bi frow dz thât er vmm drierhand
fach willen· die erft ift dz er fo
zarter natür was vnd ich inn fo
gar zartlich erzogen hatt / vnndz
er ainer rainen magt kind wz
vnd von kungcllichem ftammen
geboren davon thât im fin mar=
[413,01]ter vil defter wirfer· Die ander
fach ift dz fo grofz forchte vnd tru=
rikait bezwungent fin mentfch=
hait dz im der blütig fchwaifz
vfz allen finen gelider trang wann
er warer gott was vnd alle ding
wol wift vor finen tod wie in die
iuden handeln wurdent wie er
von finen iungeren folt verlog=
net werden / vnd wie er gefan=
gen verfpottet vnd gegaillet folt
werden och gekrönet vnd gefch=
lagen verfpuwet vnd och mit
falcher vrtail vervrtailt folt
werden zû dem tod vnd fterbon
an dem crütz darum bettet er· Die
[414,01]dritt fach was dz er wifta dz die
grimmen herten iuden kain erbermd
mitt im wurdend haben vnd do
er finen vatter batt ob es möcht
gefin das er in der marter vber(=
hüb vnd doch finen willen nitt
anfâch funder finen vätterlichen
willen folt furgon. da fântet
im fin himelfcher vatter ainen
engel der troft in vnd fterckt in
vnd sprach zû im bis veft vnd
ftât wann du müft erlöfzen al(=)

les mentfchlich gefchlecht dar=
nach do ftünd er vff vnd gieng
zü finen iungeren do warend fy
entfchlafen von vnmäßiger tr<ü>=
[415,01]rikait *Jesus* fprach zü in möchtend
ir nit ain ftünd mit mir wachen
fehent er nahet bald der mich hin
wil geben vnd zühand kamm Iu=
das mitt ainer groffen fchar der
Iuden vnd do er begund nahen
do fprach er zü den iuden es find
zwän gar gelich enanderen *Jesus*
vnd Iacobüs finer bafen fun vnd
erkent man ainen fur den ande=
ren darum wil ich iuch ain zaichen
geben welchen ich küfz der ift es
den hebend vaft vnd f<ü>rend in
gewufzlich vnd do fy begündent
nahen da gieng min kind ge=
gen in vnd fprach wen fuchend
ir da fprachend fy wir fuchend
[416,01]*Jesum nazarenum* / do fprach min liebs
kind ich bins do vielent fy all hin=
der fich vff die erden do fprach er
aber zü in / fit ir mich fuchent fo
lond die gon die by mir find dz die
gefchrift erfult werd die d fpricht
Die du mir geben haft der hab
ich kainen verloren vnd do kam
iudas vnd küft min kind. do fp=
rach er o Iudas wilt du des ment=
fchen kind allfo mitt dem küfz
in den tod geben / vnd zehand
viengend in die iuden vnd bun=
dend in / do zoch petrüs fin fchw=
ert vfz vnd fchlüg des obreften

furften knecht genampt Malchas
[417,01]fin or ab· Do sprach fant Anfhelm
fag mir maria gefchach da kan
zaichen do sprach vnfer liebi frow
ia du folt wiffen min liebes k=
ind bot fin hand dar vnd berü=
ret im fin or vnd macht es im
wider gefünd vnd sprach do züo
petro ftofz in din fchwert wann
furwar fag ich dir alle die mit
dem fchwert fechtend die verder=
bent mitt dem fchwert / oder ge=
denft du nitt bedörft ich hilff
min himelfcher vatter fendet
mir me denn xii legon der engel
mich zü befchirmen / vnd zühand
fluhend fine iunger all von im
[418,01]Do sprach ·S· anfhelm fag mir
maria wert du och do by dinem
kind do sprach vnfer liebi frow
nain warum liefift du das fant
anhelm sprach vnfer liebi frow
es was nacht vnd zimpt nitt
dz frowen oder iungfrowen fol=
tend afterwegen gon / aber ich
wz in miner fchwöfter Salo=
meen hüfz· Do sprach fant Anf=
helm Ach liebi maria fag mir
wer wz der bott der dir die el=
lenden botfchaft bracht. sprach
die mütter gotz es warent die iun=
ger all geloffen mitt groffem
gefchrai vnd laid vnd sprachent
[419,01]zü mir owe maria liebi mütter
vnd frow din angebornes kind
vnfer herr ift von vns genommen

vnd gefangen vnd hert gebunden
vnd ift von vns gefürt worden dz
wir wiffend warhin. Do sprach
fant Anshelm sag mir maria
wie wz da din vngemach da sp=
rach da die mütter gotz wie wol
ich wift dz alles mentfchlich ge=
schlecht durch fin liden vnd tod folt
erlößt werden doch von müterlich=
er hertzlicher liebi so gieng herr
Symeons schwert durch min
hertz alls er mir vor gewizfa(=
get het do er min liebes kind in
[420,01]dem tempel an fin arm namm
fant anshelm sprach sag mir
liebi mütter maria wo ward
er hingefürt. Do sprach die mü=
ter gotz vñz dem garten da er in
gefangen ward da ward er
gefürt durch ain tal dz haiffet
Iofaphat gen Iherüfalem dñch
dz guldin thor da er vñz wz gan=
gen vnd fürtend in in den pa=
laft der ftünd nach by des fur=
ften Annas hüfz da zuntend fy
ain für an do komend schriber
vnd ewarten zúfammen vnd da
fraget in der furft annas von fi=
nen iungeren vnd von finer ler
[421,01]da sprach min liebes kind vnd ant=
würdt ich han offentlich gebrediget
vnd gelert in der finagog vnd al=
lenthalb da der iuden allermeft
warend die frag. Do kam ain am=
ptman des furften vnd schlüg
min kind vnerbermklich an

fin zarten baggen vnd sprach du
foltest dem bischoff nitt allfo
antworten do sprach min kind
zû im ich hab recht geret warum
schlecht du mich hab ich aber u=
bel geret fo gib zugnuß / da ver=
bundend fy im sine ogen vnd
spottetend fin vnd hettend iren
mûtwillen mitt im die gantzen
nacht vnd es wz Iohannes fin
[422,01]liebsten iunger in annas hûßz gangen
vnd wolt lügen wie es minem
armen kint wolt gan vnd An=
nas den bischoff erkant in wol
vnd nam petrum mitt im in den
hof vnd do petrüs zû der thur in(=
gieng do sprach ain magt zû im
die der thur wartet du bist och
des mentfchen iunger ainer / do
lognet er vnd schwüor hertenlich
dz er in nie gefehen het vnd glich
zûhand da krâet ain han do sach
min liebs kind vfz dem richthûßz
vnd sach petrüm trulichen an
do gedacht petrüs an dz wort dz
wort dz im min liebs kind vor
[423,01]het gefait ee der han zwaimal kregt
fo haft du min drumal verlognet
do petrüs fin drumal verlognet
het da gieng er hinweg vnd wai=
net bitterlichen da sprach fant
Anfhelm wo wert du liebi mü=
ter maria do sprach vnser liebi
frow do mir die iunger faitent das
min liebs kind gefangen was
da erzitteretend alle mine gli=

der vnd min müterlich hertz
ward mir ſchwärlich betrübt
vnd ich gieng vñ bald vnd ma=
ria magdalena mit mir vnd gien=
gend zü dem tempel der was
nach by dem hüß Annas da hort
[424,01]ich ain grofz gebrach da wer ich g=
ern in das hüß gewefen das ich
het gefehen wie es minem lieben
kind wer ergangen da wolt
mir niemand gunnen do gewan
min hertz grofz bitterliches laid vnd
ftünd vor dem hüß vnd ſchre vnd
ſprach owe min hertziertes kind ain
lieblicher ſpiegel miner ogen mag
ich dich nitt gef<e>hen ach wer git
mir dz waffer minem hopt vnd
minen ogen trähen dz ich bew=
ain vnd klag den mord den
man minem hertzierten kind be(=
gat vnd gieng och maria mag=
dalena vmm das hüß hin vnd
[425,01]her ob fy irna fünd ain fenfterli da=
rin fy mocht min armes kind
gefehen in finen nöten do hort fy
wie petrüs fin drümal verlognet
vnd ſprach da mitt iemerlicher
ftim owe du minnenlicher Iheſus
wenn fol din bitter angft noch
hut an end han fo der din verlo=
gnet hat der ain hopt ift vnder
dinen iungeren O zarter *Jesus* criftüs
nün wil ich doch din nimmer ver=
lognen ich ftünd vnd hort och
allen den ſpott vnd alle die ſch=
leg vnd ftöfz vnd och die lefter=

lichen scheltwort die fy imm er=
buttend vnd mitt minem lieben
[426,01]kind tribend da sach ich min liebs
kind an in allen finen nōtten
in allem finen liden in minem
gemüt vnd hertzen den ich in
mitt minen mütterlichen lib=
lichen vřwendigen ogen nitt ge(=
fehen mocht do kam petrus her=
ufz vnd fand mich da fton vnd
sprach zů mir owe liebi frow
vnd mütter was tůft du hie
ich fraget inn vnd sprach Ach pe=
ter sag mir wie tůt man minem
kind do sprach er owe liebi mů=
ter maria min sag ift klin man
schlecht vnd roft in vnd hand
kain erbermd mitt im vnd do
[427,01]er mir das gefait do floch er in
ainen holen stain vnd kam nit
me herfür bis *Jesus* min kind
an dem ofertag erstůnd. Do sp=
rach fant Anselm nůn sag mī
rainy magt maria wie was
dir da an dinem mütterlichen
hertzen do sprach die mütter gotz
do gieng herr Symeonis fwert
zů dem anderen mal durch min
hertz Sant Anselm sprach sag
mir liebi maria wie gieng es
darnach do sprach vnřzer liebi
frow do es frů ward do fůr=
tend fy inn vřz des furften an=
nas hůfz in des bischoffs hůfz
der hies Cayphas do sach ich
[428,01]min liebs kind do man in gefan=

gen fůrt vnd da ich fach das fin
minnencliches antlit allfo vervn=
rainet was da luff ich dar wie
ain begirlichs hertz vnd bedacht
ich mich in mir felber gar in=
nenclichen vnd fchrai zů imm
gar in groffem mitliden owe
min zartes aingebornes kind wie
ift din lieplichs antlit fo yemer=
lich gefalt o liebes kind wie hat
fich min hertz fo dick erfřowt wenn
ich din gůtig antlit anfach vnd
yetz fo nimpt min můterlich hertz
fo grofz laid vnd fchmertzen ab di=
nem verfpuwten ellenden antlit
[429,01]vnd do luff ich dar vnd wolt min
liebs kind vmfangen han da wol=
tend mir die bůfen iuden nitt gun=
nen vnd verhengem vnd ward mit
bůfen fcheltworten dannengetri=
ben vnd ward der zůlof von allen
luten fo grofz alls ob man ainen
dieben oder můrder da fůrt vnd
do er fur gericht kam do ftuond
er alls ain vnſchuldigs leml
dz fin mund nit vfftůt fo man
es ſchlecht oder zů dem tod fůrt
do fůchtend die iuden falſch ge(=
zůgnůfz vber in vnd ſprachent
wir hand von im gehůrt er ift
ain zerftůrer der zehen gebot vnd
[430,01]hāt gefprochen man ſolt den tem=
pel brechen vnd wil in in dry
tagen wider vffrichten da rett
er von dem tempel fines libs do
wontend die iuden er redti von

dem tempel Salomonis· do fp=
rach der bifchoff Cayphas zû
minem kind fag mir biſt du der
war got vnd meſſias des wir war=
ten find do antwurt im *min* lie=
bs kind vnd ſprach fag ich ſo ge=
lobend ir iuden mir nitt doch fag
ich iüch furwar ir werded ſehen
des mentſchen kind fitzen by der
gerechten fines vatters vnd ir
werdend in ſehen widerkommen
in den wulcken des hymels
[431,01]da ftünd Cayphas vff vnd zerzert
ſin gewand von oben herab biſz vn=
den vfz vnd ſprach da zû den iuden·
wz bedürfend wir me zugnúfz er
hat felber veriehen was bedünckt
vch nün wie wend ir im tûn do an=
twurtend im die iuden er ift des to=
des ſchuldig vnd do ich die vrtail
hort / do gieng mir herr ſymeons
ſchwert zû dem dritten mal dūch
*min mütterlichs hertz · Sant Anfh=
elm ſprach fag mir min magt ma=
ria wie gieng es darnach* do ſprach
die mütter gotz ſi fürtend in hent
gebünden zû pylato vnd do dz vol=
ck dar kam do ſchruwend arm
[432,01]vnd rich all gemainlich tolle
tolle dz ift nim hin nim hin
crucifige crucifige dz ift crutzgen
in crutzgend in vnd hūbend im
do vff er hett geſprochen er w=
er gottes fūn vnd er het och vor(=
botten dz man dem kaifer den
zins nitt folt geben do begund

in pylatüs zû fragen von *finem*
kungrich vnd sprach zû imm
bift du ain küng der iuden do
sprach *min* kind zû pylato redft
du dz von dir felber oder hand
dir es ander von mir gefait
do sprach pylatüs bin ich denn
ain iud din gefchläch vnd die
[433,01]diener der iuden habend dich mir
gebracht wz haft du getûn dz
fag mir da sprach *min* liebs kind
min rich ift nitt von difer welt
wann wer *min* rich von difer
welt fo lieffent mich *min* ampt=
lut nit den iuden geantwurt
werden do sprach pylatüs vnd
bift du doch ain küng. Do sprach
Jesus du sprichft es wann ich bin
ain küng vnd bin darum gebo=
ren vnd in die welt kommen
dz ich ain zûg fy der warhait
vnd wer von der warhait ift
der hõrt *min* ftim. Do sprach py=
latüs was ift die warhait do
fchwaig *min* liebs kind vnd
[434,01]wolt im vff die warhait nit an=
twurten wann heti er im die w(=)
arhait gefait fo het in pylatüs
nitt laffen tõden vnd wer ment=
fchlichs gefchlecht nit erlõft w=
orden vnd do iudas hort dz *man*
min vnschuldigs kind wol ver(=)
vrtailen zû dem tod do gerow(=)
in der böfz koff vnd gieng hin
zû den furften der iüden vnd bot
in die driffig pfenig wider vnd

fprach ich han gefündet dz ich
han dz vnschuldig blüt hin(=
geben vnd verkoft do fprachent
die iüden was gat vns dz an
do gieng iudas vnd warf die
[435,01]driffig pfenig in den tempel vnd
gieng da von den iüden in *groffem*
laid vnd erhanckt fich felber an
ainen bom do gieng pylatus zû
den iuden zû den furften vnd zû
dem gemainen volck vnd fprach
ich kan kan vrfach an difem *men*=
tſchen finden damit er *den* tod
verfchuldet hab do fprachend
die iuden er hat dz volck *verkert*
mit finer ler von galilea biz
er do dz pylatus hort dz er von *ga*=
lilea was da herodis herr was
do er zû der zit ain kung wz
do fant er min ellends kind zû
herodes dz er in och gefech *wann*
[436,01]er wz in der ftat Iherufalem vnd
hort fagen von *minem* kind vnd
het in lang gern gefehen vnd
allfo wolt fich pylatus mit *he*=
rodes verfünen *wann* fy warend
lang zit vnains gewefen vnd
do herodes *min* kind erfach da
wz er gar fro *wann* er begert *von*
hertzen dz er etwas zaichen vor
im thât vnd fragt in da vil
dings vnd ob er dz kind wer
dz fin vatter herodes hab laffen
töden vnd von *finen* wegen fo
vil kindli getödt wurdend
vnd ob er och der wer der *laza*=

rüm het erkirkt von dem tod
[437,01]vnd fraget in mängerlay da wolt
im min liebs kind kain antwüt
geben do hies im herodes ain kron
vffsetzen vnd bat in dz er ain zai=
chen vor im thät er wolt im fin
küngrich halb geben do schwaig
aber *min* kind do ftündend vil iu=
den der ain fait dis vbel der an=
der das vbel von *minem* lieben
kind vnd wie fy kundend vnd
mochtend fin vnglimpf me=
ren vnd do herodes sach das
min kind kain zaichen vor im
wolt tün / do verſchmacht vnd
verdrofz herodem vnd hiefz im
ain wifz gewand anlegen
vnd ſchickt in wider zū pylato
[438,01]allfo warend desfelben tags herodes
vnd pylatüs verſünt mitanande=
ren vnd do die iuden *min* kind wider
zū pylato brachtend do ſprach pylatus
ir habend mir diſen mentſchen br=
acht alls ain verkerer des volcks
vnd find doch kain vrfach an in
damit er den tod verſchuldet hab
in aller der klag damitt ir vff
in klagend vnd herodes hat och
kan vrfach an *inn* fünden denn er
hat mir in wider gefchickt ich wil
in lan gon da ſchrüwent die iüden
vber al Las barabam gon vnd
der wz ain morder vnd ain fecher
vnd was gefangen *vmm* fin mord(=)
[439,01]ſchlacht vnd *min* kind dz hieffend
fy crützgen da ſprach pylatus zū dem

dritten mal ich find kain fach an
im dz er des todes schuldig fy ich wil
in lassen gon da schruwend die
iuden all crützga crutzga vnd do
pylatüs an dem gericht fas da fch=
ickt zû im fin hüzfrow er solte des
mentfchen müßig gon vnd mitt
dem gerechten menschen vnbekü=
meret fin / denn fy wer die gantzen
nacht durch finen willen in dem
schlaff bekumeret ~~fin den~~ wor=
den. Do sprach pylatüs er wolt
den iüden ir grimmi ain tail
ablegen vnd hiefz min armes kind
[440,01]nackend vfziehen vnd ain an ful
binden vnd in hertenclich mitt
gailfen vnd ruten schlahen al=
lfo vaft dz nunt vnverfertes an
im belab. nun was dieselbig
füll allfo groß vnd dick das er
fy by zwaien spangen nit vmm(=
grifen mocht do nomendt fy
ftarcki fail vnd bundend die an
fin zarten hend vnd zugendt
die arm zûfammen vnd schlügent
in da fo yemerlich dz fin zart vn=
schuldig blüt vfz allem finen
lib flosz vnd das er gestalt wz
alls ob er ain rot fidin gewand
anhet vnd der anblick fins
[441,01]götlichen angefichts ward gantz
vngestalt darnach entbundend
in pylatus ritter wider vnd lai=
tend im ain gwand an dz was
fidin vnd flachtend ain kron
von spitzigen tönnen vnd satztend

im die vff fin hopt hertenlich
getrungen mitt ftecken vnd knü=
wettend fur in nider vnd fpra=
chend Bis gegrütz ain kung der
iüden vnd fchlügend in an fini
hailgen wangen vnd vff fin
hailigs verfertes hopt · do nün
pylatüs in allfo gekrönta do fürt
er in herufz mitt dem blütigen
gewand fur die iuden vnd fprach
[442,01]zü in fehend vnd nemend war des
ellenden mentfchen vnd fehendt
Jesum vweren küng wie er gehand=
let ift vnd do die iuden in erfahent
do erbüttend fy im alle fchmachait
die fy erdencken mochtend fy fpuw=
tend in an vnd knuwetend für
in vnd fchruwend vber lut cru=
tzifige crucifige / wir wellent py=
latus dz du in crutzgift. do fprach
pylatüs nemmend ir inn hin vnd cru=
tzgend in nach viwerem gefatz do
fprachend die iuden man fol in nitt
t<ö>den nach vnferen rechten wann
er hat gefprochen er fy gottes fun
do dz pylatüs erhört do erfchrack er
[443,01]vnd namm min kind wider mit im
vnd gieng wider in dz richthufz
vnd fprach zü im fag mir von wan=
nen bift dü do wolt im min kind
nitt antwürten do fprach *pylatus*
wilt du nitt mitt mir reden waift
du nitt dz ich gewalt han dich
zü crützgen oder dich zü laffen
do fprach min liebs kind du hettift
kan gewalt vber mich wann er

dir nitt wer geben von oben her=
ab vnd die hand mer f<ü>nd weder
dü die mich dir geben habend
vmm dife red hett in pylatüs gern
gelaffen da fchrüwend die iüden
aber mitt groffem zorn vnd fprach=
[444,01]end zü pylato laft du inn fo biftü
nit ain fründ des kaifers. do dz
pylatüs hort dz fy im trowtend vff
finen herren den kaifer do namm
er waffer vff fin hend vnd fprach
ich bin nitt fchuldig an difem
vnfchuldigen mentfchen vnd an
finem tod vnd gerechten blüott
do fchrüwend fy all fin blüt kum
vber vnz vnd vber vnfer kin(=)
der vnd fchruwend da grüfam=
lichen crutzigen crutzigen vnd
gefigetend im an dz pylatus zü
in fprach nemend in vnd cruzi=
gend in vnd lond Barrabam dur=
ch der öfterlichen hochzit willen
[445,01]vnd gab do vrtal vber min kind dz
er am crütz folt fterben. do fprach
fant Anfhelm fag liebi maria
zarte mütter wie wz dir do vmb
din raines hertz. do fprach vnfer
liebi frow Es gieng mir herr fi(=)
meons fchwert zü dem vierden
mal durch min hertz vnd ward
fchwerlicher vnd me betrüpt wan
wer dz vrtal vber mich felber ge(=)
gangen. Sant Anfhelm fprach
owe raine mütter fag mir wie
gieng es darnach do fprach vn=
fer liebi frow fy nomend min

liebes kind vnd leggend ain
schwer crütz vff sin achsel das
[446,01]wz xv schuch lang vnd er was so
vnmächtig vnd schwach dz er das
crütz nitt getragen mocht do be(=
zwungend fy ain arms pürli dz
bekam in vff dem weg genampt
Simon dz es minem kind hulff
dz crutz tragen dz tattend fy nitt
von erbermbd funder dz fy bald
kämend an die stat da fy inn crütz=
gen vnd töden woltend. Sant
anhelm sprach fag mir liebi
maria gieng im och vil lüt nach
do sprach vnser liebi frow / ia im
luffend vil lut nach arm vnd
rich iung vnd alt frowen vnd man
vnd giengend och vil frowen mit
[447,01]mir die mich klagtend vnd wainet=
tend es luffend och die bösen kind
hernach vnd wurfend an in wz
fi kündend / do kert sich min kind
vmm gegen den frowen die mitt
im vnd mitt mir giengent gar
erbärmlichen vmm vnd sprach zů
inen ir tochteren vnd frowen von
iherüfalem ir wainend nitt vber
mich / wainend vber iuch vnd
vveri kinder denn fy wiffend
nitt wz fy tünd es kumpt noch
der tag vnd die zit dz fy werdent
sprechen felig find die lib die
nie kind getrügend / vnd och fe=
lig find die brüft die nie kan
[448,01]kind gefogtend fy werdend sprechen
zů den bergen fallend vnd bede=

ckend vns / man fůrt och zwen
fchâcher mitt im dz tattend fy im
zů ainem funderen lafter vnd fch=
mach dz man in den fecheren foli
gelichen vnd do man in allfo
mitt den fchâcheren zů den por=
ten vfzfůrt do ward dz getreng
allfo grofz dz ich armi můtter nit
mocht zů im kommen da ward
ich vnd maria magdalena zůo
rat vnd fůrlůffend in in an ander
gaffen dz wir fůr min kind ko=
mendt vnd in fehen mocht ee
dz er zů dem thor vfzkâmm do ko=
[449,01]mend wir zů ainem brůnnen da bekam
vnfz min liebs kind vnd wz yemer=
lich gefalt fy hettend im fin hend
zůfammen gebůnden vnd fůrtend
in gar vngefůmklichen vnd da
er mich arme můtter erfach ainn weg
vor im fton do naigt er fin hopt ge=
gen mir vnd fprach hertzenlich
mitt trůriger geberde hertzliebi
můtter min ich danck dir hůt al=
ler můterlichen trůw vnd liebi
vnd dz dũ mich fo zartlich mitt di=
ner armůt erzogen haft vnd mich
och nun yetz in minen groffen nůt(=
ten nitt laffeft vnd darnach fůr=
tend fy in an die ftatt die da hiefz
[450,01]Calpharia da hancktend fy in
an dz crůtz vnd zwen fchâcher
zů im ainen zů der gerechten
hand den anderen zuo der li<n>g=
gen hand· Sant anhelm fp=
rach fag mir liebi maria wie

tattend im do die iuden me. do
sprach vnser liebi frow nun hör
Anfhelm clägliche ding das
doch kain ewangelift wol
fchriben kan do fy koment zû der
ftat Calpharie do würfendt
fy dz crütz von im vnd fiellend
vber in vnd zugend im fin
gewand erbermclichen ab
vnd es wz im von crütz tragen
[451,01]in fin verferten lib gebachen dz fin
hailiger lib allenthalben fer vnd
vff ain nüwes wünd ward do
ftarb mir min müterlichs hertz
aber do gieng ich zû im vnerfch=
rocken vnd nam ain tûch ab
minem hopt vnd band es im
felber vmm finen zarten lib nû
wz die ftat Calpharie fo ain ver=
achti ftatt alls man fy vinden
möcht da thât man all vbel=
tätig lut ab vnd alles fchelm=
ig vich / vnd fchmackta allfo
vbel dz es küm wz zû erliden
an derfelben ftat laitendt fy
dz crütz vff die erd vnd laitend
min kind rugglingen darvff
[452,01]vnd näglettend im ain hand an
dz crütz vnd wz der nagel allfo
grofz vnd dick dz kain blütztropf
vfz der wunden mocht vnd no=
mend do fail vnd bundend ims
an die anderen hand vnd zug=
end fy bifz zû dem anderen loch
dz im die glider alle vfzanande=
ren giengend vnd darnach bün=

dend fy im ain fail an die füß
vnd zugend vnd dântend im
finen lib allfo fer dz die gefchri=
ft erfult ward Si hettend in
allfo zerfpannen dz man im
all fin glider vnd ripp het ge(=
zelt da fatztend fy im ain na=
[453,01]gel ain ainen fûß da wellend etlich
lerer dz der erft nagel im fûß ent=
zwei gebrochen vnd darnach
nomend fy im die fûß vnd fchran=
cktend fy im vberananderen in
crutzwis vnd fchlûgend ain lan=
gen ticken nagel durch bed fûß
vnd die nagel warent ftümpf
vnd trügend im dz flaißch dur=
ch hend fûß vnd crutz vnd do
ich die groffen hammerfchleg h<ô>t
do wz die wiffag erfult alls da=
uid fprach alls ob er zû mir fp=
râch hõrr tochter die bitterlich=
en ftraich vnd fchleg der hemmer
vnd die manigfaltigen not die ich
laid an allem minen lib vnd da ich
[454,01]allfo dife hammerfchleg hor do gieng
mir herr Simeonis fchwert dur=
ch min hertz zû dem funften mal
vnd darnach hûbend fy dz crütz vff
mitt minem verwunten kind
vnd hettend ain loch in dz ertrich
in ain ftain gemacht vnd lieffent
dz crütz in das loch fallen fo vnge=
ftûmclichen dz fich min kind ain
dem crütz erfchut vnd im all fin
wûnden ernuweret wurdendt
vnd viengd an zû blûten vnd

fließen vnd do er allso vffgericht
ftünd am crütz da wz er so hoch
von der erden dz ich im fin fuß nit
erlangen mocht Owe vnd we des
ellenden iemerlichen anblickes
[455,01]den ich an minen verwunten fun
fach wie vngelich die anblick al=
fo yetz hie vnd da ich in gebar do
namm ich ain grofze müterliche fröd
ab im aber do ich in fach fo in grofem
fchmertzen an dem crutz hangen
do nam grofz pin vnd hertzlaid
ab im do dz blüt von finem ver=
wünten lib abflosz vnd vff mich
arme müter ran do hett ich ge(=
wand an wie es do zermal fit wz
allso gemacht dz es ainem fin hopt
vnd den gantzen lib bedackt vnd
wz wifz vnd dz ward gantz rot von
blüt dz von minem kind vff mich
flosz. Do sprach Sant Anfhelm
fag mir du liebi müter maria
[456,01]wie gieng es darnach me do er nün
am crütz hanget. Do sprach die mü=
ter gottes fin hüband an da fin ge=
wand zü tailen de hett er ain rock
der het kain nat den ich im mit
minen henden gemacht het vnd
den woltend fy nitt zerfchniden
vnd wurfend dz lofz darum wem
er würd dz gefchach darum dz die ge(=
fchrift erfüllt wurd die da fpricht
min gewand ward getailt vnder
fy vnd fy habend dz lofz darum ge(=
worfen. vnd darnach liefz pylatus
fchriben vber dz crütz griegfch he=

braifch vnd latinfch vnd lütet
allfo *Jesus* von nazaret ain küng
der iuden vnd do das allfo gefch=
[457,01]riben wz da v<e>rdrofz es die iüden
vnd fprachend zû pylato du folteft
nit han gefchriben allfo funder
dz er gefprochen hett er wer ain
küng der iuden do antwurt in
pylatüs wz gefchriben ift dz müfz
allfo beliben darnach giengend
die iuden vnder dem crutz vnd w=
urffend hin vff fpotlich ir ogen
zû minem kind vnd fprachend
fehend vnd wartend dz ift der der
den tempel brechen wolt vnd
wolt in in dry tagen wider vff(=)
richten bift du gottes fun fo gang
herab von dem crütz vnd mach dich
felber hail fo wellend wir dir
geloben do fprachend die iuden
[458,01]die fürften vnd fchriber der iüden er
hat anderen gehulffen vnd mag
im felber nit helfen bift du ain
kung von Ifrahel fo gang herab
fo wellend wir geloben an dich
fant Anfhelm fprach fag mir lie=
bi frow vnd mütter gotz do fy fin
allfo fpottetend rett er nunt dar(=)
wider do fprach vnfer liebi frow
Er redt nit darwider funder bat
er fur fy finen hymelfchen vat=
ter verzich in wann fy wiffen nit
wz fy tünd do ftünd dz gemain
volck vnd fpottet fin vnd baitet(=)
tend wie es ain end welt nemmen
mitt im da möcht er wol zû mir

haben gesprochen mütter sich hie
[459,01]die kläglichen not ich waifz doch w=
ol dz du mich empfangen haft
von gott dem hailigen gaift vnd
dz dü mich trügest vnd gebarest
vnd ain luteri magt vnd iungfrow
wareft vnd mich zartlich erzogen
vnd mich mitt dinen iungfröwlich(=
en brüften vnd mit diner megt(=
lichen milch gefogt haft vnd
mich fo lieblichen vnd fo frunt=
lichen erzogen vnd mir alle zit
nachgiengest vnd min mütter=
lichen wartateft Ach mütter vnd
magt fo mir dife nit gelebend dz
ich gottes fun fy fo gelob aber du
mir wann dü waift es wol das
ichs bin in demm gieng aber Si=
[460,01]meonis fchwert durch mich zů dem
fechften mal vnd nach difen din=
gen mocht er nitt fpotz vber wer=
den von dem ainen fchacher zů
der linggen hand der sprach zuo
im bift du denn gotes fun fo hilf
dir felber vnd och vns do ant=
wurt im der ander fchacher zů
der rechten hand furchtest dü
nitt gott darum dz dü vnd ich in
difer verdamnůfz den tod verfch(=
uld habend vnd difer mentfch
gedat nie kain vbel vnd lidet
vmm fin vnſchuld wie kanft du
fo vnbekant fin dz du fin allfo
fpottest vnd sprach zů minem
liben kind Ach herr gedenck
[461,01]min vnd erbarm dich min fo du kumft

in din rich do sprach min liebes
kind zû im fürwar sag ich dir du
folt noch hüt by mir sin in dem pa=
radifz· Do sprach Sant Anhelm
sag mir liebi mütter gotz wz tât
du do antwort die vnd sprach
ich stünd by dem crütz vnder mi=
nem kind vnd min lieben sch=
w<ö>fteren vnd maria magdale=
na die warent all vol groffes
laid mitt mir do ich in sach han=
gen ob mir vnd mocht im nitt ze=
hilff kommen vnd do er mich sach
in groffem hertzlaid by im ston
vnd Iohannem minen schwöfter(=
fün by mir der im der liebt iun=
[462,01]ger wz do wolt er mich nit vn=
getr<ö>ft lassen do sprach er zû mir
sich frow difer ist Iohannes din
fün vnd sprach zû Iohannes
sich dife ist nün din müter vmm
do dife red allso geschach do wz
er an der sechsten stünd des tags
vnd ward ain grofz vinsternüfz
vber alles ertrich die wert biz
vff die nonzit do schre min kind
an dem crütz hely hely lamaza=
bathani min got min got
wie haftu mich verlassen do spra=
chend die iuden die dz hortend
er ruffet helyas wir wellend
sehen ob er well kommen vnd
im helfen vnd darnach rufft
[463,01]min kind me vnd sprach fitio mich
türft do namm ainer vnder den
iüden ain schwüm vnd hett ef=

fich vnd gallen darin vnd band
den fchwum an ainen fpiefzftan(=
gen vnd bot es minem lieben
kind hinuff an finen hailigen
mund er f<ö>lt dauon trincken
dz er defter me marter hett vnd
defter ee ftürb vnd do er dz bitter
tranck verfucht het do wolt er
fy nitt vnd fprach confumat<û>m
eft es ift alles volbracht denn
alles dz von im geprophetiziert
wz vnd alles das er liden folt vnd
wolt dz wz nun alles volbracht
vnd erfüllt do húb er an vnd
[464,01]fprach mit genaigtem hopt. pater
in manus túas commendo fpiritum
meüm vatter ewiger gott in din
hend befilch ich minen gaift
vnd do fchied fin götliche haili=
ge fel von finem hailigen lib
do verlor die fúnn iren fchin vnd
ward vinfter vber alles ertrich
vnd zerfpieltend die ftain vnd
der vmmhang der in dem tem=
pel hanget der rifz in der mit=
ti enzwai von oben bifz vnden
vfz vnd erbidmet alles ertrich
vnd die greber tatend fich vff
vnd erftündend vil hailiger
lüt von dem tod die komend
nach der vrftendi Ihesu *Christi* in
[465,01]der ftat Iherufalem vnd lieffend
fich fchowen do ftünd ain ritter
by dem crütz der wz genampt cen=
turio vnd der folt mines lieben
kinds h<û>ten vnd ander ritter by

im die pylatus dar beftelt hatt
vnd do fy dife groffi zaichen fa=
hend do erfchrackend fy fer vnd
Centurio sprach furwar furwar
fag ich iuch dz difer ift des leben=
digen gottes fun wann fehend
die element vnd dz gantz ertrich
hat ain mitliden vnd erbermd
mit finem fterben vnd erbar=
mend fich vber iren fchöpfer vnd
herren vnd die verftockten her=
[466,01]ten iüden woltend kain mitli=
den mitt im haben vnd do ftü=
ndend mines lieben Kindes frund
daby die im nach warend ge(=
volget von galilea bifz her zuo
dem crütz vnd fahent dife ding
alles mitananderen. Sant anf=
helm sprach nun fag mir rainy
iungfrow maria mütter gotz hatt
da din liden ain end do din
hertziibes kind tod wz· do sprach
die mütter gottes nain h<ó>r lieber
Anhelm wz groffen cläglichen
mords fy noch erft an minem
hertziiben kind da fo fchantlich
begiengent an dem tag da fy
[467,01]min liebes kind allfo lefterlich
gemarteret vnd ertódt hattend
derfelb tag wz genampt para=
fcçüe der ftil fritag da wz der
hochzitlich fabat nahe dz wz
der tag den die iuden hieltend
für iren oftertag vnd da hettend
fy die <w> gewonhat dz fy vff
ir ofteren kainen menschen an

iren gerichtē oder galgen lief=
fēnd funder fy tatēds dem hoch=
zitlichen tag zū eren darūm ko=
mend die iūden fur pylatus vnd
battēd in dz er gūnti dz fy mi=
nem kind vnd den ſchācheren
ire bain brechen liefz mit kol=
[468,01]ben dz fy defter ee ftūrbēd dz fy nit
da hangēd an dem oftertāg
do erlobt inen pylatus nach irem
begeren do ſchlūgēd fy den ſech=
eren ir gebain an allem iren lib
anzwai vnd darnach woltēd
fy minem kind och fini bain zer(=
ſchlahen do wz er tod vnd do fy
dz fahēd do woltēd fy im ſin
gebain nitt brechen dz och die
geſchrift erfüllt wurd die da ſp=
richt von dem waren oſterlem=
li dz ſin gebain fol gantz beliben
vnd von niemant gebrochen do
kamm ain blinder ritter genampt
Longin^us vnd het ain langen
[469,01]ſpiefz vnd beſalch dz man im den
ſpiefz an die ſiten mins kinds fa=
tze vnd ftach da kreftēdlich in
die hailigen ſiten mines lieben
kinds do flofz von derfelben wun=
den blūt vnd waffer vnd da
ich arme mütter fach dz fy nit
genūg an der bitteren marter
vnd woltēd ſich erft och ain
finem todten lib rechen do beſch=
ach minem mütterlichen hertzen
ſo we alls ob er den ſpiefz in min
hertz geſtochen hett vnd do hett

ich erft diſe not gern gewainet
da was *min* hertz vnd *min* lib fo
<thür> von wainen vnd groſſem
[470,01]iomer die ich die gantzen nacht vnd
tag erlitten hett dz ich ain tropfen
nitt me gewainen mocht vnd wz
min ſtim fo gantz haifer vnd erftor=
ben an mir dz ich ain wort nitt
me mocht reden do ward die wif(=
ſag an mir erfult die her *Simion*
mir thät do er ſprach die marter
mines kindes wurd mir dűrch(=
ſchniden *min* hertz wie ain ſchar=
pf ſchnident ſchwert vnd dz be=
ſchach yetz zű dem ſibenden mal
vnd da ich mit minem mund vnd
mitt wainenden ogen nitt me
mocht clagen da ſprach ich mit
minem hertzen owe *min* zartes
liebes lieb vnd *min* fruntlicher troft
[471,01]wo ift nűn alle liebe vnd aller troft
den ich von dir ie gehept han
ach műcht iemand gehelfen das
ich fűr dich tod wer· O *min* liebes
kind <iezſ> ift din gűtliche fel von
dir geſchaiden vnd aller troft
von mir· Do ſprach ſant Anſhelm
ſag mir edli magt maria wo
fuor die fel hin do fy von dem lib
ſchied do antwurt im die műter
gotz vnd ſprach fy fűr in die vor(=
hell zű den aluätteren die ſin ·m·
iar gewartet hetend vnd da wa<r>d
groſſe frűd von allen den die ſi=
nen willen ye gethon hetend vnd
die nam er herűfz vnd beſchlofz

[472,01]do die hell dz nimmer kain fel darufz

kummen mag er befchofz fy mitt

warer bicht vnd mitt rechter

rüw vnd wer dieselben schlofz

bricht der müfz darnach ewen=

clich da beliben vnd nimmerme

dannenkümmen· Sant Anshelm

fprach sag mir liebi mütter ma=

ria wie gieng es darnach mitt

finem hailigen lichnam do sprach

die mütter gotz es warent zwen

andächtig man der an hiefz Io(=)

feph vnd wz von ainer ftat ge=

nampt armatia vnd er wz hai=

mlich mins lieben Kindes iünger

vnd ainer was genampt nicode=

müs der wz och haimlich fin

[473,01]iunger vmm des willen fy müftend

der falschen iuden gewalt fur=

chten do gieng Ioseph zû pylato

vnd batt in dz er im mines lie=

ben Kindes lib gebe dz er in begr=

üb vnd sprach zû pylato ift es

fach das du nitt bald erlobest

dz man in begrab fo verdirbet

fin arme hertziebi mütter von

groffem iomer vnd och von laid

die wil fy in vor ir sicht hangen

wann fy ift die allerzartest vnd

die allerrainest die vff ertrich

ye kamm vnd fi hat so grofz iomer

vnd klag dz wir es nitt gefe=

hen mügend do beruft pylatus

[474,01]den ritter Centurio vnd fraget in

ob min kind tod wâr do sprach er

ya vnd fait im da groffe zaichen

die gefchehen werent da *namm*
es pylatüs grofz wunder dz er fo
bald gestorben wz *vnd* hiefz inn
von dem crütz nemen *vnd* begra=
ben nach allem *finen* willen.
nun merck Anhelm ain cläg=
lich ding do Ioseph *min* kind von
dem crutz abnaglet do ftuond ich
vnd wartet vff in dz ich in da em=
pfieng ainen armen nach dem
anderen *vnd* trücket fy an *min*
hertz *vnd* kuffet fy mitt *groffem*
laid *vnd* do er gantz ab *dem* crutz ward
erlôft da leget fy in vff die erd
[475,01]do fiel ich bald nider vff die erd *vnd*
namm *fin* hailigs hopt in *min* sch(=
ofz *vnd* sprach mit *groffem* schmer=
tzen *vnd* hertzlichem laid· O *min*
zartes angebornes kind wer fol
mich nün trôften fo ich dich todt
vor mir sich do *kamm* *min* fûn
Iohannes ewangelift *vnd* viel
vff mines kinds todte brüft *vnd*
schre wainendt o *min* herr *vnd*
min maister vff *dinem* hertzen
rûwot ich necht ob dem tisch
fo lieblich Owe vß *dinem* hertzen
fog ich necht fo fâglich fûffi=
kait owe nun empfach ich vn=
fegliche biterikait da kam och
maria magdalena der clag
[476,01]wz grofz *vnd* vber aller clag *vnd*
viel fur *min* kind vff dz ertrich mit
groffem iomer *vnd* sprach o troft
ob allem troft wer fol mich me
von den glifzner entschuldigen

alls du mich entschuldiget haft
von allen *minen* funden owe
wer fol *min* fürspr<e>ch *fin* gegen
miner fchwöfter martha da du
mich vnschuldig gābt do fy vber
mich clagt ich liefz fy die forg
allain tragen owe din zarten
füz die mich nitt ftieffend do ich
fy küft vnd wūfch mit *minen*
trähen vnd och nach vil clag vnd
manigualtig wort het fy ob
[477,01] *minem* todten kind. do kamm Sañ Ia=
cob miner fchwöfter fūn vnd fprach
trurenlichen mit groffer clag owe
lieber herr vnd maifter wie ift din
lieblich antlit fo iemerlich gefalt
worden vnd im felber fo gantz vn(=
gelich· Owe wie ift din gantzer
lib fo gar durchmarteret wann
von diner fchaitlen vntz an die
folen diner füz ift nunt gantz vnd
gefūnds an dinem lib owe lieber
herr vnd maifter gefter wz din w=
unnenclichs angeficht demm *minen*
gelich wer mag fprechen dz ich *din*
brüder fy du bift mir vnglich wor=
den vnd von hertzlichem laid
verfchwūr er dz er kain libliche
[478,01] fpifz me wolt effen fo lang bis *min*
kind von dem tod erftünd vnd
tāt es· er afz nit biß *min* kind er=
ftünd an dem oftertag do er im
fünderlichen do er an *finem* ernft=
lichen gebett lag vnd fprach da
lieplichen zū im Iacob du *min*
lieber Brüder vnd iunger stand

vff vnd iff / des menschen kind
din herr vnd maister ist erfunden
vo<.> dem tod die anderen iunger
koment all geloffen mit grosem
iömer vnd gefchrai vn klagend
sich alle dz fy von im so yemerlich
geflohen warent vnd nit mit
im in den tod gangen vnd do
ich vnd die iunger allfo by minem
[479,01]kind fassend in groffem laid ob
dem ellenden verwünten todten
kind do tröft er mich doch zû dem
aller erften an dem hailigen offer=
tag vnd erschain er mir vnd der
ellend lib allfo vor vnßz todt
lag der ward allfo schön vnd
allfo vnuerfert alls ob er nie
kain schlag noch wunden het
empfangen wann die v· wunden
vnd zaichen die belibend im
gantz vnd offen die wil er zögen
an dem iungsten tag aller welt
vnd do man in in dz grab lait
do gewain ich erft vnd fy all
mit mir grofz laid vmm dz ich
mich von minem kind schaiden
[480,01]müft do vmmfieng ich inn mit mi(=
nen armen vnd hüß in allfo
tod mit groffer liebi do nam mich
Iohannes min fün vnd wolt
mich dannenfüren. do sprach
ich zû im Owe Iohannes laß
mir min tods kind dz ich doch hüt
lebentig nit haben mocht
oder hilff mir dz ich och begra=
ben werd do sprach Iohannes

liebi frow vnd mütter nun waift
du doch wol das es nit anderft
gefin mocht / wann mentfchlichs
gefchlecht mocht nitt anderft
erlöft werden do nomend fy
min kind vnd wundend es in ain
tuch vnd trügent es zu dem grab
[481,01]da het ich gewelt dz man mich darin
gelait hett da kamm min fun Iohan=
nes vnd wolt mich dannenfüren
do sprach ich ach min lieber fun Io=
hannes las mich genieffen der
groffen trüw die dir min kind *Jesus*
erzögt hat in finer letften not
do er dich mir gab vnd befalch zu
ainem kind vnd mich dir gab zu
ainer mütter vnd las mich nitt
schaiden von minem kind denn ich
wil gern hie by minem todten
kind beliben vnd sterben do wur=
dend alle die da warend bitter=
lichen wainen mit mir vnd also
für mich min fun Iohannes wi(=
der minen willen von dannen
[482,01]in die ftat in finer mütter hufz die
min schwöfter wz vnd do mich die
lut fahend dz ich fo yemerlich fach
vnd kam dz min gewand also rot
wz von mines kindes blut do het=
tend fy grofz erbermd vber mich
vnd sprachend es ift hut groffer
gewalt in difer ftat befehen an
difer rainen frowen vnd allfo be=
laib ich in miner schwöfter hufz
vnd het groffen iomer nacht vnd
tag vnd mocht mich min schwö=

fter vnd gûten fründ all nit getrô=
ften do ward die wiffag an mir
erfült die Iheremias von mir ge(=
prophetifiert hât do er fprach fi wai=
net tag vnd nacht vnd fi kund vnd
[483,01]mocht niemant getrôften vnd da
ich in difer groffen clag wz bifz an
die ôfterlichen nacht do kam min
hertzliebtes kind *Jesus* mit vnmaf=
licher fchôner clarhait vnd groffer
frôd zû mir armen trûrigen mût=
ter die da verlaffen wz vnd wz fin
antlit allfo minnenlich vnd clar als
der wiffag gefprochen hat er wz
der allerfchôneft vnder allen
mentfchen kinden vnd do er mir al=
fo gewaltenclich vnd fo lieblich er=
fchain vnd mich anfach do vergaff
ich alles mines laids vnd do fprach
er zû mir fygeft gegrûtzet dû
raini mütter min gefegn<o>ti vber
all frowen nun lafz din truren vnd
[484,01]grofz klag wann ich din liebes kind
Jesus bin erftanden von dem tod
vnd zûhand do fiel ich fur in ni(=
der vff die erden vnd kufft im fin
edel fûfz vnd fprach zû im ain e=
wiger fun des vatters vnd mines
angeborenen kinds ich loben dich
dz du alles mentfchlich gefchlâcht
erlôfet haft mitt dinem bitteren
liden vnd fy der vatter von himel=
rich gefegnet der dich darum vff
ertrich gefânt hat vnd do fchied er
von mir vnd do komend fine iün=
ger zû mir vnd min fchwôfter vnd

maria magdalena vnd faitend
mir wie fy min kind gefehen hetend
do fait ich inen wie er mir zum er=
ften erfchinen wår vnd wie ich in
[485,01]fo groffen fröden gefehen het do
hettend fy groffe fröd mit mir vnd
do fröwet sich die fún die erlöfchen
wz in mines kinds tod vnd fy ge=
wan iren claren fchin wider do
ward mir min hertzlaid alles be=
nommen wann ich fröwet mich fo
gantz dz alles mentfchlich gefch=
låcht erlößt wz darnach vber
XL· iar zwen herren von Rhom
der ain hiefz Titüs der ander Ve(=
fpafianüs die zerftortend die ftat
Iherufalem vnd viengend allfo
vil iuden das man ye xxx iuden
vmm ainen pfenig gab alls fy min
kind vmm xxx pfenig verkoft het=
tend allfo ward der tod mines
[486,01]lieben kinds gerochen. nún hilf
vns lieber herr Ihefu *Christe* dz din
vnfchuldiger tod an vns armen
fünderen nit verloren werd *Amen*.
hie endet sich die frag Sant Anf=
helms in dem iar do man
zalt 1518 Iar an ·S· margreten tag.
¶ Ain guet gebet zú gott
O herr erweck vff vnferi hertzen
zú diner hailigen zúkünft dz
wir dem herren beraitind den
weg vnd gerecht machind sine
füzpfad dz wir dem herren mu=
gend dienen mit ainem lute=
ren vollkommen gemüt dem

kindli Ihefùs Amen